



Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.
De septimo decalogi Præcepto. III. De octavo decalogi Præcepto. IV. De
Ecclesiæ Præceptis. V. De Sacramentis in genere & quibusdam in specie.
VI. De Pœnitentia. VII. De Matrimonio

Godeau, Antoine

Augustae Vindelicorum, 1774

Caput I. Furti notio, divisio & gravitas exponuntur.

[urn:nbn:de:hbz:466:1-53587](#)

S E C T I O I I .DE
F U R T O .**C A P U T I .***Furti notio, divisio & gravitas exponuntur.*

Furtum occulta, ac injusta rei alienæ est ablatio, domino rationabiliter invito. Dicū est 1. *occulta ablato*, ut furtum distinguatur a rapina, qua domino præfenti quidquam injuriose aufertur. 2. *Injusta*; nam si aliunde legitima auferendi licentia sit concessa, furum auferendo non committitur. Sic Israelitæ furti peccato se non contaminaverunt, cum vasa, quæ ab Ægyptiis commodata acceperant, non reddiderunt; *Hoc enim* (ait sanctus Augustinus) *Deus jussit, qui noverat, quid quemque pati oporteat; nec Israelitæ furtum fecerunt, sed Deo jubente ministerium præbuerunt.* 3. *Rei alienæ*; nam rem nostram, quam alias injuste detinet, quandoque uti postea dicam, occulte eidem subtrahere possumus. 4. *Domino rationabiliter invito*; hinc furtum non committit, qui furioso gladium aufert, ne alium interficiat; sed vendendus esset gladius, ejusque pretium in domini utilitatem convertendum. Mulier quoque, quæ marito pecuniam surripit, quam ille ludofollet insomere, non peccat, dummodo hanc in familiæ commodum expendat.

Duplex

Duplex Juristæ furtum distinguunt, simplex, & qualificatum; hoc specialem quamdam malitiam sibi adjunctam habet, qua tamen illud caret. Inter furta qualificata numeratur 1. *Sacilegium* ceu ablatio rei sacræ, vel profanæ in loco sacro asservatæ. 2. *Peculatus* ceu ablatio rei ad Principis aut Reipublicæ filium spectantis. 3. *Plagium* ceu abductio aut venditio hominis sive liberi, sive servi invito domino. 4. Abigeatus ceu gregis, vel aliquorum ex grege animalium abductio. Huc falsæ monetæ cufores, infideles depositarii, commodatarii &c. reducuntur.

Rapina, cum in injusta ac violenta rei usurpatione consistat, specie a furto differt. Præter damni siquidem injustitiam, violentiæ insuper injuriam præsenti domino raptor infert, siue gravem malitiam furto superaddit. Non tantum qui aperta vi aliis sua rapiunt; sed & qui auctoritate, minis, gravique metu nonnullos adiungunt, ut sua offerant, aut petita non denegent, rapinæ rei sunt. Vitium hoc potentum est, qui tamen, nisi ablata restituant, potenter tormenta patientur (*Sap. 6.*).

Furtum ex genere suo peccatum grave est; magnæ enim virtuti nimirum caritati adversatur. Iustitia quoque opponitur, quæ bonorum possessionem firmam constituit, prohibetque ne alter alteri quidquam rapiat. Civilem insuper societatem, & Reipublicæ pacem turbat; si enim furtum permitteretur, confusio, dissensio, ac tumultus ubique regnarent. Hinc Zachariae 5. di-

citur: *Hæc est maledictio, quæ egredietur super faciem omnis terræ; quia omnis fur judicabitur;* & Apostolus ait: *Neque fures, neque rapaces Regnum Dei possidebunt* (I. Cor. 6.). Suis olim adolescentibus furtum Lacedemonii permisere, dummodo illud occultum permaneret, sed illos minime imitati sunt cæteri populi, a quibus, etiam magis barbaris, furtum severissime semper punitum est. *Furtum* (inquit sanctus Augustinus Lib. 2. Confess. cap. 4.) certe punit lex tua Domine, & lex scripta in cordibus hominum, quam ne ipsa quidem delet iniquitas. *Quis enim fur æquo animo furem patitur?*

Quæ in furto quantitas ad peccatum mortale sufficiat, statui difficulter potest. Juxta omnes furtum mortale est peccatum, quando summa, seu res ablata vel in se vel respectu ejus, cui auferebatur, prudentum aestimatione notabilis est. Plures Casuistæ asserunt, unum aureum materiam in se, etiam respectu ditissimi satis gravem esse. Comparative ad eos, quibus damnum furto infertur, materia illa gravis censetur, quæ ad diurnum læsi hominis victum sufficit; aureus autem Principi, duo vel tres floreni duciti nobili, unus florenus mercatori, medius vel infra civi, pauci crucigeri pauperi sufficiunt; sicque his qui talem quantitatem aufert, grave furtum committit.

Sæpe contingit, quod fur, levem licet materiam surripiat, ob scandalum tamen, vel damnum ex suo furto secutum, & prævisum vel ob suam malam intentionem graviter peccet.

Sic

Sic fur, si prævideat, aut prævidere posset, eum, cui minutum quidquam furatur, esse blasphematurum, aut in aliud mortale peccatum lapsurum; quia vir iracundus, & ad blasphemias proclivis est, furando mortaliter delinquit. Idem dicendum si instrumenta vilia quidem, sed necessaria artifici auferrentur, sine quibus ille quotidianum lucrari victim non posset. Item si ille, qui domum ingressus, ut multa aut pretiosa inde auferret, nonnisi pauca, aut vilia furtive acquireret.

Qui pluribus vicibus plura parva furta committit, quæ coniuncta magnam summam conficiunt, veluti si unum alterumve solidum sæpius surriperet, ex quibus successive magna summa coalescit, mortaliter peccaret; quia ingentem summam surripere intendit. Hinc textores, qui identidem pauca fila retinent, ex quibus paulatim sibi conficerere vestes intendunt, quoties id agunt, ex prava cordis dispositione mortaliter peccant; quamvis enim magnum damnum singularis non afferant, communitati tamen illud inferunt, publicamque justitiam lœdunt, quæ omnes artificum fraudes prohibet. Quodsi statim ab initio gravem materiam surripere statuit, primo jam furto graviter peccavit, quamvis paullatim ad illud pervenerit, aut ab incæpto aliunde impeditus destiterit. Si vero absque mala illa intentione temere furta minuta continentur, cum ad gravem quantitatem pervenire est, grave furti peccatum aderit. Novus Casuista docet, postremum parvum furtum,

K 3

& que

æque ac præcedentia, peccatum dumtaxat veniale esse; sed hæc opinio non minus quam illa est damnanda, quæ asserit, ad restitutionem illum non teneri, qui pluribus vicibus exigua furtæ commisit (a).

C A P U T II.

Extrema necessitas, & occulta compensatio explicantur.

Exrema necessitas, cujus descriptionem (*Tom. I. pag. 395.*) dedimus, ex communione sententia, rei alienæ ablationem excusat, seu potius ex re aliena, ac privata communem efficit, unde qui hac necessitate pressus divitiæ aliquid surriperet non peccaret, si aliter sua vitæ consulere non posset. Quodsi aliquis furtus esset, antequam in extremam necessitatem incideret, in hac necessitate re furtiva uti possit, eam tamen restituere teneretur, quam primum, unde restituat, acquisierit.

Si mercator extra patriam degens pecunia careret, huncque latro vellet occidere, nisi certam pecuniae vim sibi tribueret; posset ille hoc casu pecuniam hanc surripere, quam in patriam reversus restituere teneretur. Si res in extrema necessitate surrepta adhuc exstat, hanc restituere oportet: veluti si quis, ut ab hostibus

fuge-

(a) Innocentius XI. hanc damnavit propositionem:
Non tenetur quis sub poena peccati mortalis restituere, quod ablatum est per pauca furtæ, quamcumque sit magna summa totalis. Num. 38.